

Universitätsbibliothek Paderborn

V. P. Gasparis Druzbicki, Societatis Jesu, Opera Omnia Ascetica

Aucta Duobus Opusculis De Effectibus, Fructu, Et Applicatione Sanctissimi
Missæ Sacrificii, Et De Sublimitate Perfectionis Religiosæ. Catalogum
Tractatum Asceticorum Omnium Vicina Post Dedicationem Pagina
Indicabit

V. P. Gasparis Druzbicki, Societatis Jesu, Fasciculus Exercitiorum Et
Considerationum, De Præcipuis Veritatibus Christianæ Fidei Et Sapientiæ -
Ad efformationem Christianæ vitæ, consecutionem salutis æternæ
collectus: & usui accommodatus

Družbicki, Kaspar

Ingolstadii, 1732

VD18 90066332

Exerc. 2. De Contritione ex Dei & Hominis collatione.

urn:nbn:de:hbz:466:1-45396

14. Désidero illa, & emendare, & emundare
 Etiam nunc emundo, in Balneo sanguinis, & Meritorum Christi.

15. Cupio, propono, & decerno firmiter, expiare
 illa quam plenissime, quoad culpam, & quoad penitentiam omnem, & specialiter quoad spiritualem, & damnum.

16. Propono, & statuo illa Sacramentaliter confiteri.

17. Propono etiam, & statuo constanter, plena eorum fugam, vigilantemque devitationem.

18. Denique spero, & peto omnium, atque singularium, plenam, perfectamque, a te misericordissimum, atque indulgentissimo DEO meo condonationem.

19. Propter Bonitatem tuam, propter IESU Christi Domini mei Mortem, propter Pretiosissimam DEI Matris, omniumque Electorum tuorum intercessiones ac merita.

20. Ad purum, summum, plenum Divini Cordis tui gustum. Amen.

EXERCITIUM 11.

De Contritione, ex Dei & Hominis Peccatis collatione.

1. Statue te Homo, qualis in veritate es, coram Deo qualis ille in veritate est: vilissimam omnium vilitatum vilitatem, coram DEO omnium Bonitatum essentialiter plenissimam Bonitatem: & postquam te in tuis, Deum in suis circumspexeris dotibus: profitens dic: Verè scilicet quod ita sit: & quod non justificabitur homo compitus DEO.

2. Cognosce itaque te, & statue coram talem, qualis es tibi ex te ipso! seclusis, & semo-

Job. 9. 2.

tis à te his omnibus quæ sunt ex DEO, & ex dono Bonitatis ejus in te. Atque sic, dispice tuam Essentiam, existentiam, sufficientiam, opulentiam, potentiam, decorem, dignitatem, opera, merita: utique invenies omnium horum in te, ex te, nihil esse: sed horum loco, in te non ens, nihilque purissimum, & abyssale, & informe: invenies te, ex te nihil esse, non esse, non existere: ad nihil rei, aut boni sufficere, nihil posse, nihil mereri: invenies esse te meram omnis boni parentiam, incapacitatemque: omnis autem miseriæ, malitiæ, egestatis, turpitudinis, insufficientiæ, indignitatis, vanitatis, contemptibilitatisque faciem, sentinam cloacam, sedimentum, abyssum. Ecce tu talis ex te es, ô Homo: & quidquid aliud immiserabilius, & execrabilius cogitare potes.

3. Cogita quoque Deum, & vide qualis est ille ex seipso. Et ecce invenies illum tibi extre-
mè dissimilem, ac summè oppositum: invenies illum esse Summam, & omnem, & essentialem, essentiam, existentiam, perfectionem; perfectionis omnis, sibi soli cogitabilis, à nullâ creaturâ vestigabilis, plenitudinem abyssalem, ipsis-
simamque essentialem abyssum, & abyssalem Essentiam Bonitatis, Sapientiæ, Omnipotentiæ, Dignitatis, Veritatis, Vitæ, Opulentiæ, Sanctitatis, Rectitudinis, Pulchritudinis, Beneficentiæ, Charitatis, Beatitudinis. Invenies illum, fontem infinitum Justitiae & æquitatis, Misericordiæ & pietatis, Gloriæ & Majestatis, Regem regum, Dominum Dominantium, omnium authorem, omnium possessorem, absolutum principem & monarcham, & hæc omnia ex ipso se, immense,

Hh 2

infini-

D Y U 3
ICKI
43141
II
V

infinitè, incomprehensè, immutabiliter, abatèrè, & æternè.

4. Duabus hisce cogitationibus, de Te, & de Deo, adjunge tertiam, quâ recorderis, talem, in Deum talem, peccasse: hoc est, injuria quæque, contemptifica, hostilia, impia, bellia, perpetraffe, voluntarie, scienter, delibera te, maligne, crebrò.

5. Ac demum dijudica: an duo illa, tu scilicet is qui es, cum Deo item qui est is qui est, debuerint inter se, sic configere, sic concurrere, sic sese gerere: ut tu quidem, res omnino nihil, nullius meriti, valoris atque frugis: in Deum adeo per omnia immensæ supra te dignitatis, sic impingeres, sic ejus dignitatem deprimeres, sic voluntatem contemneres, sic jus omne Sanctitatis, Bonitatis Excellentiarum perfringeres? Non fuerit Deus iste, tuus Amator, Author, Conservator, Benefactor, Dominus, Rex: non fueris tu Creatura, servus, mancipium omni jure illius, fueris tantum hoc quod es, nihil, & nihil: Deus autem Deus: nonne omni amore, pretio, honore, cultu, reverentiâ, obsequio, quam dignissimè constantissimèque coli & tractari abs te dignissimus erat?

6. Quod quia non tantum à te factum non est, sed etiam per omnes malitiæ gradus contrarium injuriosissimè perpetratum est; cogita, & judica, & decerne ipse tu: quâ mensurâ te timere, erubescere, dolere, lugere, detestari temetipsum oporteat: ad quam satisfactionis & justitiarum vindictarum de ipso te sumendâ, Deoque laeso exhibendâ, te conari oporteat? quodsi ad æqualem mensuram assurgere non potes, nam re-

vera ne ad minimam portionem potes: saltem conare ad id quod potes: & gemitus, quod amplius, & ad æquum, justumque non potes, & demum ad miserationem Dei, ad JESU Christi sanguinis, & mortis (in Sacramentis) merita & gratiam, supplex, & fidens recurre ut possis.

7. Rursum autem attende ad te ipsum: quis, & qualis es tu, etiam cum his donis, quæ à Deo acceperisti: atque, & sic te cum Deo confer. Confer essentiam tuam, entitatem, existentiamque tuam Essentiæ, Entitati, Existentiæ Dei: tuam personam Personæ DEI, tuam Animam Spiritui DEI: tuum intellectum intellectui Divino: tuam Voluntatem & libertatem cum Voluntate & libertate Dei: tuam Sapientiam, Potentiam, cum Sapientiâ & potentiâ Dei: tuam bonitatem, vitam, æternitatem, cum bonitate, vitâ, immortalitate, æternitateque Dei: tuam magnitudinem, cum immensitate Dei: tuam Perfectionem, Sanctitatem, Justitiam, Puritatem, cum Perfectione, Sanctitate, Justitiâ, Puritate Dei, &c. & cognosce quam hæc inter se distent: quam nulla finiti ad infinitum proportio & comparatio? Atque facta hac collatione, cognitâ istâ incomparabili comparatione, dijudica jam, & decerne: debuerisne tu, adeo etiam in donis Dei à Deo tibi donatis, vilis, & imperfectus, & planè nullus, repugnare Deo, pugnare cum Deo, sic infinitis ex celibus Perfectiore per omnia? Dijudica, & decerne: fueritne fas; te, Deo, Cor tuum, Cordi Divino, Voluntatem tuam Voluntati Diviniæ, Oculum tuum Oculo Dei, tuas manus, manus Dei, &c. &c. repugnare: & in offendam injuriamque ipsius operari? Si pulex unus, si canis

nis mortuus unus, te contemnere voluisset, quan-
tâ, indignitatem hanc indignatione metireris? &
ista tamen habent similitudinem, & partem tecum:
quia Creaturæ, & Entia, sunt pariter tecum. Tu
autem quis, & quid es ad Deum? & quid ac qua-
le, quantumque est à te contemni, & lèdi Deum?
quâ mensurâ doloris, pudoris, metûs, confusio-
nis, luctûs, detestationis, odii, deprecationis, tibi
deflendum, atque emaculandum, & satisfacien-
dum est, ut exæques, aliquomodo pænitendo
offensum Deum? Atqui ad hoc lachrymarum
Oceani nulli, nullatemporum fæcula sufficiunt.

P R A X I S.

Sive Actus Contritionis.

Dignissime Deus, summum Ens, summum Bonum,
summe summa omnia. Te ego amo, affi-
mo, appretio, exalto, super omnia. Dignissimus
enim, nobilissimus, amabilissimus es: nec ulla res tibi
in pretio conferri, comparativè potest aut debet.

Feci multa mala, indigna, injuriosa, coram te, &
contra te Deum, Dominum, Summum, & Omne Bo-
num meum: quæ tuam Bonitatem, Dignitatem, Ch-
aritatem, Voluntatem violarunt, suntque tibi odiofisi-
ma: Feci autem ego vilitatum vilissima vilitas, ego
malitiarum malitiosissima malitia, ego odiofissi-
odiositatum odiositas: ego ingratissima ingratitudi-
num ingratitudo: ego indignissimus omnium indi-
gnorum indignus: ego omnium damnandorum dan-
nandissimus damnandus; ego omnium perdi-
rum, perditissimus perditus.

Quapropter, idem ego, nunc omnia, & singula
peccata mea cognosco, confiteor, retracto, detestor,

t, quan odi, execror, doleo, de illis erubesco, & amarissimo
eris? & tadio conficiar, & tabesco.

Doleo de omnibus tam universim quam sigillatim:
propter Bonitatem, Dignitatem, Charitatemque
tuam Divinam: propter vilitatem, malitiam, ingra-
titudinem meam execrandam, doleo autem tota
Cordis mei amaritudine & pœnitentiâ, & secundum
omnem malitiæ peccatorum rationem, quam in se, ac
in oculis tuis Divinis includunt: doleo quoque se-
cundum justissimum beneplacitum Sanctissimæ tuæ Vo-
luntatis.

Nolo, sive commissa jam, sive alia quæcunque
commissilia, ulla unquam deinceps committere:
quin volo, & propono omnes, quod in me erit, parvas
occasiones, illa committendi vitare: temptationibus
que ad illa resistere: opem præstante mibi efficaci Mi-
sericordia & Gratiâ Divinâ.

Volo ista, quæ peccavi, & quorum conscientiam
babo, confiteri plenè, sincerè, humiliter, dolenter,
cumpudore, atque retractatione, & emendationis
proposito.

Peto per odium quod adversum omne peccatum
in tuo Divino corde residet, per omnem Sanctitatem
Voluntatis tuæ, per JESU Christi Redemptoris nostri
Sanguinem, Passionem, Mortem: ut mibi omnes ini-
quitates meas condones: sicut ego, teste, & dante te,
propter te, debitoribus meis omnia debita sua condono.

Statuo omnem satisfactionem, sive injungendam,
sive injunctoram, sive spontaneam, perfectè, cum au-
gmento, quam primum adimplere: nec non omnibus
quibus forte debeo planè satisfacere.

Tu Domine, misericordiarum Pater, & venie
largitor, miserere mei, & dimitte universa debita
mea.

Per JESUM Christum Dominum nostrum, qui tecum vivit, & regnat.

EXERCITIUM III.

De Contritione, ex Dei Hominisque Comparatione.

1. Statue te Homo qualis revera es, coram Deo qualis & ille in veritate est. Te talem; quæ ex te ipso nihil es; quidquid autem es ex DEO solo es, at coram Deo tali, qui ex seipso est, quidquid est: omne autem Bonum infinitum, & illimitatum est: tibi autem omne id, est & conferunt quidquid es, & habes.

2. Postquam te intuis, Deumque in suis doibus circumspexeris, dic cum Beato Job; *Verè si quod ita sit: Et quod non justificabitur Homo, compitus DEO.*

3. Adhuc ergo, attende ad te ipsum, quis, & qualis es, etiam cum donis Dei quæ tibi largitus est: & talem te cum Deo confer: quod ut melius præstas; duo hæc cognosce: Primum, quod quidquid à Deo es, & habes; id ita es, & habes, ut sine perenni, & per singula momenta à Deo repetitâ, imò continuatâ collatione, seu conservazione Dei, nihil tui esse, donique Divini, tu tibi servare possis: sed subductâ istâ conservatione Dei à te, tu statim, omnia, & ipsum te, amissurus, & in nihilum tuum abiturus sis. Itaque nullum momentum durationis tuæ est, nullum esse potest in quo tu, te totum de integro, à Deo non accipias conservante, sive semper, & assiduò te tibi donante. Alterum, quod quidquid à Deo es, & habes entitatis, & aliorum cum eâ donorum, tu

Job. 9. 2.